

Hamar urte berdintasunaren alde bustitzen

Zipriztintzen berdintasunaren aldeko taldeak hamar urte bete ditu. Gauza asko egin dute, baina argi daukate askoz ere gehiago egin behar dutela borroka honetan. Euren webgunean (zipriztintzen.wordpress.com) ematen dute horren berri eta gaur egunera arteko ibilbidea, gaur egungo jarduna eta etorkizunaren inguruan egin digute berba.

Berdintasunaren aldeko taldea da Zipriztintzen. “Berdintasunaren alde egin, feminismoaren aliatua izan eta gure matxismoarekin amaitzea dugu helburu”, esan digu Ander Prol Zipriztintzen taldeko kideak. Elkarteko kide berrienetakoa da Ander, baina Zipriztintzen taldeak hamar urte bete zituen ekainean.

Emakumeen Topalekuak maskulinitate berriei buruz antolatutako hitzaldi baten ondorioz sortu zen Zipriztintzen. Hitzaldiaren ondoren tailerra egin zuten hainbat astetan zehar eta Zipriztintzen taldeak jarraipena eman zion guzti horri. 30 lagun inguru joan ziren hasiera batean tailerretara, baina 14 lagunek amaitu zuten eta euren sortu zuten Zipriztin-

tzen. Urte hauetan jendea taldetik irten eta sartu egin da, baina elkarteak martxa betean jarraitzen du bere jarduna. “Inguruko herrietan antzeko taldeak sortu ziren, baina ez dute jarraikortasunik eduki epe luzean. Hala ere, badugu harremana beste tokietako gizon taldeekin”.

Zipriztintzen taldekoek euren inguruan aldaketa egon delanabaritzen dute, “eta uste dugu gizartean ere sentsibilitate bat dagoela gai honen inguruan, baina gizarte honetako gizon gazteak ez dira gai honekin konprometitzen. Politikoki zuzena da berdintasunaren alde gaudela esatea, baina aldaketak egitea zaila da, aldaketa pertsonala eta gizartearen aldaketa eragitea suposatzen duelako”.



Euren ustez alde handia dago emakume feministen eta gizonen feministen artean, hau da, emakumeak hobeto eta gehiago antolatzen direla zentzu horretan gizonenak baino. “Eta logikoa da. Emakumezkoak biktima direlako eta gu erasotzaileak potentzian gizonenak izateagatik. Zaila-

goa da gizonen bezala ardura hori hartzea, gure burua berrikustea eta alde horretatik dekonstruitzea”. Gizonenak, berez, pribilegioak dituztela diote, “eta erabili egiten ditugu”.

Zipriztintzen taldekoentzat garrantzitsua da egiten dutena kontatzea, baina are garrantzi-

BERRITZE LANAK
ZURE ERAIKINEAN
Ez dakizu nondik hasi?
GURE LANTALDE TEKNIKOAK
LAGUNDUKO DIZU
ZUK ERABAKI

SPARA
rehabilitación + sostenibilidad

www.spara.es
info@spara.es
943 17 70 57

IZARRA CENTRE Eraikina Zeharkalea, 36, 3º 48260 Ermua-Bizkaia-

Horacio Decoración
VI Centenario 10 - Ermua
943 03 15 80
www.dghoraciodecoracion.com

TAPIZERIA - ALTZARIAK - OSAGARRIAK

Bitsi-denda Tailer propioa Etoju-denda

Senén
1978

Diseinuak eta kalitateak
bereizten gaituzte

San Pelayo zeharbidea 4 ERMUA (48260) BIZKAIA
www.joyeriasenen.com - joyeriasenen@gmail.com

CITROËN
AUTOS AMEDI

Zearreko buelta eraikina 3, L8 pab.
Telefonoa 943 17 04 14

PUB YOMY

Zubiaurre
kalearen
bihotzean

tsuagoa da hori zergatik egiten duten azaltzea. “Ermuko mugimendu feminista oso indartsua izan da historian zehar eta horregatik iraun du hainbeste urtez gure taldeak. Gu hortik irten ginen, mugimendu feministaren ekimenez”.

Hausnartu eta ekin

Hamar urte hauetan hainbat ekintza antolatu dituzte, baina egunerokoan eginda-ko lana da aldarrikatzekoa. Bi ildo jarraitu dituzte. “Batetik, hausnarketa pertsonala, gizontasun berriak bilatzeko eta maskulinitate hegemonikoa apurtzeko. Bestetik, gizartea transformatzeko lan egiten saiatu gara”. Horrela, sentsibilizazio ekintzak egin dituzte, gazteei hitzaldiak eskaini dizkiete eta gizonetako feminismoaren inguruan hausnartzeko jarduerak antolatu dituzte. “Beharrezko lana dela pentsatu izan dugu eta urteetan zehar ikusi dugu balio izan duela”.

Hamar urte hauetan “sare zabala” ehundu du Zipriztintzenek eta atxikimendu handia lortu du. “Herrian eragina dugula ematen du”. Ermuan feminismoak duen antolakuntzagatik du eragina Zipriztintzenek, euren iritziz. Hori bai, pentsatzen dute ez dietela gizonetako artean pedagogia egiteko ardura eman behar. “Gure ardura gizonetako artean eragitea da”.

Berdintasuna lortzeko bidean zein paper jokatu behar dute gizonetako? “Askotan eztabaidatu den kontua da, baina gizonok dugun arazo bat da. Borroka honetara iritsi berri gara eta gure tokia zein den jakin nahi dugu. Emakumezkoek 200 urte dar-matzate borroka honetan eta gu baino askoz ere gehiago dira; eta gu lau katu gara eta mugimendu honetan non gauden jakin

nahi dugu. Lasai egon behar gara, lana egin eta tokia irabazi behar dugu”. Eurek gizonen inguruan egiten dute lan, gizonengana heltzea da euren helburua. Gizon Sareako eta antzeko beste taldeekin esperientziak partekatzen dituzte urtean behin. “Gainera, garrantzitsua da esatea emakumeekin batera egiten dugula lan”. Emakumeei entzun nahi diete Zipriztintzen taldekoek eta, gero, entzundakoari erantzuna ematea da elkarteko kideen nahia. Talde feministek gizonetako inplikazioa eskatzen dute, beharrezkoa eta premiazkoa ikusten dutelako, eta Zipriztintzen taldekoek zentzu horretan egiten dute lan.

Bilerak hamabost egunero

Zipriztintzen taldekoak hamabostean behin elkartzen dira eta saio ezberdinak egiten saiatzen dira. “Gauzak antolatu eta egiteko joera izan dugu beti gizonetakoek, eta garrantzitsua da, baina gauzak irakurtzen ditugu, hainbat gaien inguruan hausnartzen dugu, eta taldeko kideak maitatu eta lagunak izaten saiatzen gara”. Errespetuz egiten dute berba beti, “ez gara beste pertsona baten gainetik geratzen edo arrazoia izaten saiatzen”. Dinamika ezberdinen bitartez taldeko kideen parte hartzea sustatzen dute eta guztien iritzia dira garrantzitsuak. “Elkarri zaintzen saiatzen gara, zainketa oso garrantzitsua dela uste dugulako”.

Hainbat ekintza antolatu zituzten elkar-tearen hamargarren urteurrena ospatzeko, baina urteroko jardunean berdin jarraitzen dute berdintasunaren alde lanean. “Barre-nera begira tailerrak egiten ditugu taldeki-deentzat (sakonagoak eta espezifikoagoak), taldetik kanpoko gizonetakoek zuzendu-



tako ekintzak egiten ditugu (irekiak) eta emakumeekin batera ere hainbat gauza egiten ditugu”.

Etorkizunean ere lan

Taldeak modu positiboan ikusten du etorkizuna, baina argi daukate lanean jarraitu behar dutela. “Bide bat egin dugu, eta nahiz eta gauza asko egin ditugula pentsatu, gutxi da eta asko daukagu egiteko epe luzera”. Aurrerapausoak ematen jarraituko dute, egindakoa aztertzen eta emakumeekin kontrastatuz, euren dinamika zein jarraipen egin ikusiko dute. “Adibidez, iazko Martxoaren 8ko greba ondo ir-teteko gizon bezala hartu genuen parte, eta aurten ere aliatu feminista bezala egongo gara. Aurten herriko gizonetako koordinatzeko prest gaude, benetako la-guntza eskaintzeko greba horretan”.

Berdintasunaren alde busti eta zipriztin-du nahi du taldeak. Ateak irekita dituzte eta herriko gizonetako ongi etorriak izan-go dira. “Zaila da bustitzea eta are zaila-go da zipriztintzea”, baina horrela jarrai-tuko dute etorkizunean, gero eta gehiago bustitzen, gero eta gehiago zipriztintzeko.

Ekhi Velar



Tel. 618 89 29 60 - 620 13 65 23
E-maila. enolimp@hotmail.com
48620 Ermua (Bizkaia)

Atariak - Bulegoak - Lokal komertzialak - Enpresak
Obra amaiera eta erreformak
www.enolimp.es

Ferreteria
ANBOTO
Burdindegi

Orain
KOTXEKO GILTZEN
KOPIAK ere
egiten ditugu

943 17 69 76
607 33 11 77

ZUBIAURRE, 25 ERMUA (BIZKAIA)
www.ferreteriaanboto.es

esanline[®]

+ @ + +

846 080 010
Cardenal Orbe Plazan, 06 - Ermua
esanline.es



hanigan's
Irish Tavern

Gosari, bazkari eta afariak
eramateko prestatzen dugu

Astegunetan 7:00etatik zabalik
Asteburu eta jaiegunetan,
10:00etatik.

Komentukua z/g - 943030527